

ԽԱՉԱՏՈՒՐ ԱՐՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ
ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

Ֆակուլտետ՝ Բանասիրական

Բաժին՝ Հայոց լեզու և գրականություն

Կուրս՝ Չորրորդ

Թեմա՝ «Ռուբեն Սևակ: Սեր կյանքից անդին»

Ուսանող՝ Աստղիկ Բոյաջյան

Երևան 2018

Ռուբեն Սևակ: Մեր կյանքից անդին

Գրականության մեջ յուրաքանչյուր դարաշրջան առանձնանում է գրական նորանոր դեմքերով և ստեղծագործական մնացածն արժեքներով: Այս առումով պետք է նշել, որ գրական այս կամ այն երկի բնույթն ու բովանդակությունը թելադրվում է տվյալ դարաշրջանին բնորոշ պատմաքաղաքական իրադրությամբ: 20-րդ դարի սկիզբը բեկումնային ազդեցություն ունեցավ հայ ժողովրդի ողջ պատմության վրա և ճակատագրի սև գծի նման ուղեկիցը դարձավ աշխարհի ծայրերում բնակվող յուրաքանչյուր հայի համար: Այս պատմական ծանր ժամանակաշրջանում հայ գրականության միջուկի տրոհված արևմտահայ հատվածում գրական ասպարեզ իջան երիտասարդ բանաստեղծների մի ողջ աստղաբույլ, ովքեր ստեղծեցին անգնահատելի արժեքներ և դարձան արևմտահայ գրականության մշտաբթուն կանթեղները: Այդ գրական աստղաբույլի ամենից պայծառ դեմքերից էր Ռուբեն Սևակը:

Ռուբեն Սևակի պոեզիան առանձնանում է հասարակական տեսանկյունից կենսական նշանակություն ունեցող թեմաների արծարծմամբ: Սևակի համար չկան բանաստեղծական ու ոչ-բանաստեղծական բնագավառներ. նա ամենուրեք է փնտրում ու գտնում գեղեցիկը և գտնում է այն նույնիսկ ամենից հասարակ իրադրություններում: Ռուբեն Սևակը պոռթկումների բանաստեղծ է, որի զարգացման թռիչքը ընդհատվեց հենց բարձրակետում: Սակայն հարց է առաջանում կարելի՞ է Սևակին դիտել Վարուժանի, Միամանթոյի և Մեծարենցի կողքին: Այս առումով նշենք, որ Սևակը ինչ-որ չափով ուներ Վարուժանի աշխարհներ հայտնագործելու ձիրքը, բայց զարգացման արագ տեմպը չուներ: Սևակի բանաստեղծական աշխարհը գնում էր դանդաղ զարգացման և որոնումների ճանապարհով, իհարկե, այդ ճանապարհին հայտնություններ անելով: Սակայն հայրենասիրական է քաղաքական թեմաներով գրված գործերում Հայաստանի տիպի խտացման այնպիսի պատկեր ինչպիսի տվել է Սևակը, չենք հանդիպի նույնիսկ Վարուժանի մոտ:

Միամանթոյի հետ ընդհանուր համեմատականի մասին խոսելի հարկ է նշել, որ Սևակը փոքր – ինչ գիջում է մտքի գերկենտրոնացման տեսակետից: Ցավի ապրումների ներքին խորքը և տենչանքի ձգտումների այդ հակադրամիասնությունը Ռուբեն Սևակը չի բերում դատումներն ավելի շատ են քան ապրումները: Սակայն այստեղ կա նաև բնույթի և բնավորության տարբերություն: Սևակի ձեռագրերը դիտելիս կարելի է հստակաբար ասել, որ գրողի միտքը խաղաղ է, ջնջումները նյարդային չեն: Միամանթոյի ձեռագրերում նյարդային պոռթկումները ակնհայտ են և նրա ձեռագրերը վերծանելու համար հաճախ աշխատում են հզորագուն ձեռագրաբաններ:

Խոսելով Մեծարենցի և Սևակի ստեղծագործական համեմատական գծերի մասին՝ նշենք մեկ առանցքային հանգամանք. Սևակը չի ապրել մահվան այն

ծանր շունչը, որ հետապնդում էր Մեծարենցին, որը տեսնում էր ապրել մարմնավոր սերը: Սա է հիմնական պատճառը, որ Սևակի շուրթերից ծնվում է «Ինչուն», ոչ թե «Սիրաձայն ընծայո՞ւք»: Ռուբեն Սևակը բերում է երգը, բայց չի տանում այն մեծ շիկացումներին, որ տանում էր Մեծարենցը:

Դանիել Վարուժան, Սիամանթո, Միսաք Մեծարենց... Ռուբեն Սևակը գնում էր ընդհանրացնողի ճանապարհով, ինչը դժբախտաբար նրան չհաջողվեց: Ռուբեն Սևակը տեսակի անկրկնելիություն ունի և եթե նրան մտովի դուրս թողնենք գրական այն տիտանների շարքից ինչպիսին էին Վարուժանը, Սիամանթոն, արևմտահայ գրականության մեջ մնում է մի բաց, որը այլ կերպ անհնար է լրացնել:

Ռուբեն Սևակը առեղծվածային բանաստեղծ է և առեղծվածային էր այնքանով, որ իր ամբողջական խոսքը դեռ չէր ասել: Գրողի կյանքն ու խոսքը կիսատ էր: Սևակը դեռ կայացման ընթացքի մեջ էր: Եվ գրական որոնումների մեջ գտնվելով Սևակը անդրադարձել է չափածոյի տարբեր տեսակներին, նույնիսկ հեղինակել է արձակ գործեր («Բժիշկին գիրքեն փրցված էջեր»): Սևակի ստեղծագործական մտածողության համար հիմնական գիծ է համարվում արտասովոր հակումը փիլիսոփայությանը: Հենվելով Նիցշեի վրա նա ժխտում է Նիցշեի մարդկային կյանքի վերաբերյալ ունեցած տեսությունը («Մարդերգություն»): Գրողը բերում է առողջ փիլիսոփայություն և առաջինն է, որ հայ գրականություն բերեց սիրո և սեռի հակադրականությունը:

Գրական մեծ ժառանգություն չի թողել Ռուբեն Սևակը. նրա ստեղծագործական հաշվեմատյանի մասն են կազմում հարյուր հիսունի չափ տարբեր ծավալի ստեղծագործություններ, որոնց մի մասը անտիպ է, ավելի քան երեք տասնյակ արձակ գործեր և նույնքան էլ նամակներ:

Բանաստեղծի կենդանության ժամանակ նրա ստեղծագործություններն առանձին հրատարակությամբ լույս են տեսել մեկ անգամ, 1910 թվականին՝ «Կարմիր գիրքը» ընդհանուր խորագրով: Բանաստեղծի վաստակի մասն այդպես էլ ցրված է մնացել պարբերական մամուլի էջերում: Սևակը ժամանակին ծրագրել էր հրատարակել բանաստեղծությունների հինգ շարքեր՝ «Կարմիր գիրքը», «Վերջին հայերը», «Քառուր», «Չհաշկացված էջերը», «Սիրո գիրքը»: Նա հնարավորություն ունեցավ ամբողջացնելու և հրատարակելու միայն առաջինը: Սակայն պահպանված ձեռագրերից, ինչպես նաև մամուլում տպագրված առանձին բանաստեղծությունների վերաբերյալ հեղինակի առանձին նշումներից հնարավոր է գեթ մոտավոր կերպով կռահել մնացած շարքերի բնույթն ու բովանդակությունը: Նշված շարքերի մեջ «Սիրո գիրքը» ամենածավալունն է և հենց այդ շարքին էլ կանդրադառնանք այս հետազոտության մեջ: Այս շարքի առանձին բանաստեղծությունների վերլուծությանն անդրադառնալուց առաջ նախ խոսենք շարքի ընդհանուր գաղափարաբանության և գրության շարժառիթների մասին: Այս շարքը գաղափարական նոր էջ է բացում Սևակի ստեղծագործական ողջ ընթացքի մեջ: Սևակը, այս շարքում անդրադառնում է թերևս ամենից վեհ և

գեղեցիկ զգացման: Իսկ միթե՞ Սևակի յուրաքանչյուր բառ, յուրաքանչյուր տող զգացական չէ, և միթե՞ գրողի զգացմունքները չեն, որ արտահայտված են գրքում: Պատասխանը միանշանակ էր: Ռուբեն Սևակի կյանքի և ստեղծագործության վրա վճռորոշ նշանակություն է ունեցել մեծ սերը և համաշխարհային գրականության մեջ այդ սիրո արդյունքում ծնված նամակները, որոնք գերազանցում են ցանկացած սիրային գեղարվեստական երկի՝ սկսած արևելյան աշուղական սիրավեպերից մինչև իսկ Գյոթեի «Ֆաուստ»-ը: Այդ նամակները իրենց զգացմունքների մաքրությամբ, անկեղծությամբ, դրսևորման կերպերով գերազանցում են, որովհետև այդպես չկա հեղինակի միջամտությունը՝ սիրողը և գրողը ներծույլ են: «Ֆաուստ»-ում Գյոթեն շատ հեռու է և՛ Մարգարիտից, և՛ Ֆաուստից, Շեքսպիրը բավականին հեռու է և՛ Օֆելյայից, և՛ Համլետից, որովհետև Շեքսպիրը քննում է սիրո առեղծվածն ու վարքաբանությունը, իսկ Սևակն ուղղակի ներկայացնում է այդ առեղծվածը իր սրտի ողջ թրթիռով ու ավյունով: Նամակներից բացի գրական այս հոգեբանությունը ինչ-որ չափով արտացոլված է նաև «Միրո գիրք» շարքում, սրտեղ ասես յուրաքանչյուր բանաստեղծություն շնչում է կյանքի և անաղարտ սիրո հանդեպ ունեցած պարզ ու պայծառ հավատով և ջերմությամբ: Այս ժողովածուն գաղափարական լրացումն էր մյուս երկու գրքերի և եկել էր ամբողջացնելու Սևակի բանաստեղծական աշխարհը՝ որպես գեղարվեստական մեկ միասնական գծի արտահայտություն: Իսկ ի՞նչ էր փորձում ասել Սևակը իր այս ժողովածուով: Ռուբեն Սևակը նահատակի խաչը ուսերին ասես փորձում էր այդ ծանր ժամանակաշրջանում, կեղեքիչ պայմաններում գտնել և բացահայտել ապրելու պատճառաբանվածությունը: Սևակը մահվան մեջ փնտրում էր կյանքի կենսական աղբյուրը: Եվ, իհարկե, կյանքի հիմնական շարժիչ ուժը սերն է: Ուշարժան է նաև մեկ այլ հոնգամանք Սևակը մասնագիտությամբ բժիշկ էր, և մարմինը բժշկելուց զուտ պետք է բժշկել նաև հոգին: Եվ «Միրո գիրք»-ը ամբողջացնում է բանաստեղծի ստեղծագործությունը՝ որպես գաղափարական մեկ միասնական գծի արտահայտություն: Ցավ ի սիրտ, Սևակը հնարավորություն չունեցավ իր ձեռքով խմբագրել և հրատարակել այդ շարքը, այդ իսկ պատճառով շարքը գեղարվեստական տեսակետից չբարձրացավ այն աստիճանին ինչպիսի «Կարմիր գիրք»-ն էր: «Կարմիր գրքում» Ռուբեն Սևակ գրողը հանդես է գալիս որպես կատարվելիք դեպքերի անողոք քննադատ կամ դատավոր, իսկ արդեն «Միրո գիրքը» ընթերցելիս մեր առջև ծնունդ է առնում իրական գեղագետը: Իրականության մեջ չգտնելով իր երազած մաքուր ու անբիծ մարդկային զգացմունքը, բանաստեղծը անձնատուր է լինում գեղեցիկի անուրջներին: Առհասարակ արևմտահայ գրականության մեջ երազի սինդրոմը ունի յառա լայն կիրառություն, և Սևակը նույնպես իր ստեղծագործությունների մեջ հաճախակի է անցում կատարում դեպի անուրջը ասես միտում ունենալով այդ եղանակով մոռացնել տալ դաժան իրականությունը: Տպավորություն է ստեղծում, որ Ռուբեն Սևակը այս գիրքը միմիայն ներբող է ուղղված սիրուն և այդ սիրո առարկային, սակայն գրող ստեղծագործություններում ասես նշմարվում է ճանապարհ, որով մարդը կարող է ետանել մեծ ու իսկական կյանքի խորհրդին, երջանկության և կատարելության:

Այժմ անդրադառնանք շարքի առանձին բանաստեղծությունների քննությանը՝ քայլ առ քայլ բացահայտելով գեղագետ հեղինակին: Ներկայացնենք այս գրքի իմաստային, գաղափարական և ոճային առանձնահատկությունները «Ինչու», «Եկուր», «Չար աղջիկը», «Գինով սեր», «Մերով, սերով» բանաստեղծություններում:

Ի տարբերություն Ռուբեն Սևակի նախորդ երկու գրքերի, որտեղ բանաստեղծի իդեալը չէր երևում, այստեղ այդ իդեալն ամբողջությամբ ստանում է գեղեցիկ երազանքի ձև, որը պատկերավորվում և մարմնավորվում է այնքան գեղեցիկ և այնքան հուզառատ: «Չար աղջիկ» բանաստեղծության մեջ Սևակը հմուտ նկարչի նման վրձինը ձեռքին նկարում է մի կերպար, որ այդքան երկար փայփայել էր իր սրտում և մտքում.

Իմ սիրականս խարտյա՛շ, խարտյա՛շ,

Ջուրերու պես խարտյա՛շ էր.

Իմ սիրականս մատղա՛շ, մատղա՛շ,

Ջուրերու պես մատղա՛շ էր...

Պատկերի առավել ամբողջական նկարագրի հանդիպում ենք բանաստեղծության հաջորդ տներում, որտեղ շարունակում է գծագրվել գեղեցիկ և խորհրդավոր աղջկա կերպար.

Վարդ փետտելեն՝ թաթիկն անույշ

Վարդերու գույնն էր առած.

Մարդ թունելեն՝ աչուկն անույշ

Մահերու թույնն էր առած...

Բայց կլինդար ան այնքա՛ն քաղցր՝

Որ զոհն ինք իսկ կնիրհե՛ր.

Ու կլինդար ան այնքա՛ն բարձր՝

Որ երկինքն իսկ կներեր...

Սևակի գովերգած սերը այստեղ ավելի քան զգացական է և այստեղ է, որ երևան է գալիս իրական գեղագետը: Եվ եթե բանաստեղծը հանդես է գալիս գեղարվեստի

անունից, պետք է կրողանա ստեղծել երգեր, որոնք կխոսեն մարդու ամենից
զաղտնի և նվիրական երազանքների հետ: Մնակը հենց այդ բանաստեղծն է:

Բայց կխնդար ան այնքա՛ն քաղցր՝
Որ գոհն ինք իսկ կնիրհե՛ր.
Ու կխնդար ան այնքա՛ն բարձր՝
Որ երկինքն իսկ կներեր...

Եվ հանկարծ փոխվում է գործողությունների ընթացքը և այդքան պայծառ ու լուսավոր
կտավի վրա գծագրվում է ինչ-որ մտայլ շղարշ: Հարկ է նշել, որ «Միրո գրքում»
մահվան ուրվականը ավելի հաճախադեպ է երևում հեղինակին. ավելին սերն ու
մահը հաճախ հանդես են գալիս միասին, որպես կյանքի շարժիչ ուժեր
համարվող երկու ազդակներ.

Ու մեռա՛վ փոքր աղջիկը չար.

-- Թոչնի պես կտրտնջար--

Թե խորհե՛ր քիչ մը՝ անպատճառ

Աստված ինքն իսկ կզոջար...

Թե գլխահնայի իր մեռնիլ՝

Թո՛ղ տայի զիս դեռ տանջեր.

Թե ինք գիտնար իր մեռնիլը՝

Զիս ալ իր հետ կկանջեր...

Բանաստեղծության շարունակությունը ունենում է առավել զգացական բնույթ և
այստեղ է, որ հասունանում է դիմումը Աստծուն և մարդկանց.

Տե՛ր Դատավոր, ձեռքդ նրժար,

Մի փութար զայն դատելու.

Անոր արվեստն էր շա՛տ դժվար՝

Տանջե՛լ... առանց ատելու:

Ես կհսկեմ աղջկան չար.

Մարմնին մետաքս հագցուցեք

Դրո՞ւք մահճի մեջ սևդուսի

Ժապավենով տաքցուցե՛ք...

Եվ չնայած այս մտայլ շղարշին միևնույն է բանաստեղծության մեջ գերիշխում է այն տրամադրությունը, որ սերը այնքան գորեղ ու լուսավոր զգացում է, որ երբեմն մահն էլ է անգոր նրա դիմաց: Եվ, իհարկե, այդպիսին էր նաև Ռուբեն Սևակի և Յանի Ապելի սերը: Սեր, որը առավել քան ուժգին դարձավ նույնիսկ Սևակի եղեռնական մահից հետո.

Ես կհսկեմ աղջկան չար.

-Թե երկինքն իսկ չի գղջար,

Զիս կհիշեր, ու անպատճառ

Մեռնելուն ինք կգղջար...

Միրային քնարերգության բնագավառում Սևակի տաղանդավոր ժամանակակիցներն էին Մեծարենցն ու Վարուժանը: Մեծարենցի սերն այնքան նուրբ է ու շղարշոտ, որ հաճախ դժվար է ընկալել այն: Երագի նման է այդ սերը, որ եթե համակում էլ է մարդուն, ապա չի կարող տեղավորել նրա հոգու մեջ բնականի ապրումի անմիջականությամբ: Վարուժանի մոտ սերն ստանում է փիլիսոփայական երանգավորում. այն անհրաժեշտ մի ստատճան է մարդու՝ մինչև գեղեցիկի լիակատար ըմբռնումը բարձրանալու ճանապարհին: Վարուժանն երգում է ավելի շատ սիրո խորհուրդը, քան սերը որպես առօրյա երևույթ, որպես կենսաթրթիո իրականություն: Այս իմաստով Սևակն ավելի մոտենում է Վարուժանին, բայց նրա երգերն ամենից առաջ հյուսված են իրական ու ապրված զգացմունքների նրբերանգներից, ուստի և յուրաքանչյուրի կողմից ընկալվում են իբրև սեփական հոգու արձագանք: Տեղին է մեջբերել Գ. Մխիթարյանի բնորոշումը Սևակին.« Սևակի սերը ոչինչ չունի եղերական, ո՛չ Դուրյանի ցավագին ճենճերումները, ո՛չ Մեծարենցի նրբին սարսուռները..., ո՛չ խորունկ եղերական սերեր, ո՛չ մահաշունչ հուսախաբություններ, այլ պարզ, մեկին, այսինքն իրավ սեր մը, որ հարագատ ու մտերիմ կրնա ըլլալ բոլորին: Սևակի սերը ծանոթ է բոլորն. այսինքն՝ սեր մը որ իմս ու քուկդ կրնա ըլլալ՝ իր երջանկության պահերով ու տրտում ու հուսախաբ վայրկյաններով: Սեր մը որ երբեք առանձին չէ, ոչ ալ ամբողջ կյանք մը, այլ կյանքի մեկ մասը»:

Բյուրեղացած զգացմունքների երգիչ է Սևակը, իսկական քնարերգու, զիրք է նրա համար մարդկային հոգին՝ անթիվ էջերով, թաքուն սերերով և տառապանքով:

«Սերով, սերով» բանաստեղծության մեջ Սևակը նկարագրում է սիրո անհուն զգացողությունը և այդ սիրո մյուս կողմը՝ տառապանքն ու ցավը, որոնք շատ դեպքում անբաժան են սեր կոչված զգացումից: Հոգեկան նվիրվածության բարձրակետն է սա, երբ մարդն այլևս ոչ մի մխիթարություն չունի, բայց գիտակցում է, որ սիրում է.

Սերով, սերով խոցեցիր զիս,
Սիրտըս սերով խոցեցիր,
Սիրտըս ջահել՝ վարդի պես բաց,
Դազադի պես զոցեցիր...
Դուն քաղցրությամբ խոցեցիր զիս,
Սիրտըս սերով լափեցիր,
Սիրտըս ջահել՝ վարդի պես բաց,
Մեկ համբույրով խաբեցիր...
Երգով, վերքով օրրեցիր զիս,
Սրտիս տատասկ ցանեցիր,
Ջահե՛, սրտիս վարդերը բաց,
Հովըն տվիր ցանուցիր...

Ռուբեն Սևակի ստեղծագործություններում ասես նշմարվում է ճանապարհորդ մարդը կարող է հասնել մեծ ու իսկական կյանքի խորհրդին, երջանկության և կատարելության:

«Աստվածորեն ապրիլ», - այս է բանաստեղծի իդեալը: Բայց և այնպես այդ իդեալը հեռու է, հաճախ նույնիսկ անհասանելի: Եվ բանաստեղծը չգտնելով այդ ճանապարհը իրականում ստիպված է դիմել անուրջին.

Եկո՛ւր, եկո՛ւր, ճամբաներեն անուրջիս,
Սրտիս ջահերն այրեցի քեզ ի հանդես,
Վերջին անցորդ տառապանքի կամուրջես,
Երգի մը պես, քրոջ մը պես, մոր մը պես
Եկո՛ւր, եկո՛ւր ճամբաներեն անուրջիս...

Եկո՛ւր, ես քուկդ եմ, քեզ արքա՛ ու գերի,

Ես, մեղապարտ անոթը տուրք համբույրիդ...
Հնքս աղոթքի պես դեմքիդ շուրջ կ'դեզերի,
Պաշտամունքիդ ես խնկանոթ միամիտ:
Եկո՛ւր, ես քուկդ եմ, քեզ արքա ու գերի...

Այս սրտագեղ կանչը միայն սիրած էօկին չէ որ ուղղված է, դրա մեջ ամփոփված են լավագույն կյանքի, անաղարտ սիրո կարոտը: Մերթ աղերսագին է նրա դիմումը, մերթ ամեն ինչ գոհաբերելու պատրաստակամությամբ լի, մերթ հնչում է պահանջի ուժգնությամբ, մերթ գուրջ հայցողի խոնարհությամբ: Այս տեսանկյունից կարևոր են բանաստեղծությունում առկա հակադրությունները.

Քու տաճարիդ ես քուրմ երգիչն եմ դողողջ.
Ու դուն մարմինն ես անմարմին երգերուս,
Խենթեցնող հավերժահարսը բողբոջ,
Յող մահացնող սրտի հազար վերքերուս.
Սուրբ տաճարիդ ես քուրմ երգիչն եմ դողողջ...

Քու անունովդ պատանքեցին ծեր հոգիս,
Քեզ երգելեն արյունեցան, խենթեցան
Յոթը վերքերն իմ բարունակ սրինգիս,
Սրտիդ ճամփուն վրա մերկ ոտներս այրեցան,
Քու անունովդ պատանքեցին ծեր հոգիս...

Այս զգացումները այնքան պարզ ու հստակ են՝ հարազատ ամեն մի հոգու և սրտի: Մեր, իդեալ և հոգի,- ահա այն գերազույն հատկանիշները, որոնք մարդուն իսկապես դարձնում են բնության ամենակատուցող ստեղծվածը: Ու Սևակը ստեղծում է այդպիսի երգեր. «Գինով սեր», «Ինչե՞ր...» բանաստեղծություններ, որոնց ամեն մի տողը զգացական է: «Գինով սեր» բանաստեղծությունը հոգեպարար մեղեդի է, երջանկությամբ ու ջահելությամբ լեցուն.

Դուն Հրա՛շքն ես, դուն Երա՛զն ես, դուն Մերն ես.
Տարաշխարհի չքնաղ ծաղիկն ես աղվոր.
Միսթիքական խնկումներով թունավոր
Դուն մսեղեն խենթեցնող տաճարն ես.

Դուն Հրա՛ջքն ես, դուն Երե՛զն ես, դուն Մերն ես:

Սև մազերովդ սիրե՛ զիս, զգվե՛ զիս,
Անոց խորհուրդը պատմե ինձ առանձին,
Որովհետև անոնք հոգիս կապեցին,
Իրենց ցանցին մեջ կապալեցին իմ հոգիս.
Սև մազերովդ սիրե՛ զիս, զրգվե՛ զիս:

Բանաստեղծության յորաքանցուր տող ներքող է ուղղված սիրուն եզեղեցիկին: Եվ այդ ամենը այնքան կենդանի և համոզիչ է, որ ընթերցելիս թվում թե մեր ձեռքում է գտնվում մի սարք որի միջոցով կարող ենք տեսնել բանաստեղծի սրտի աշխատանքի պատկերը, յորաքանցուր հուզումն ու երջանկության պահը, որի ժամանակ սրտի աշխատանքի գծապատկերը անկարելի է պատկերել որևէ գծագրով.

Տղու մը պես հանգչեցուր զիս կուրծքիդ վրա,
Հանգչեցուր զիս, ու այտերս կրակե
Քու ձյունեղեն բազուկներուդ մեջ զրկե,
Ու թող մարմինդ մարմնիս վրա սարսռա.
Տղու մը պես հանգչեցուր զիս կուրծքիդ վրա:

Ահա շըրթնե՛րս կարոտովդ կայրին,
Ու կլայննա արտասուքի շիթ մը տաք
Իմ մթաստվեր թարթիչներուս շուքին տակ.
Անոց վրա դուն ցո՛ղը դիր համբույրին,
Ահա շըրթնե՛րս կարոտովդ կայրին:

Այս և մի քանի այլ բանաստեղծություններում ակնհայտ է Սևակի Հեթանոսական շարժմանը հարելու միտումը: Այս հանգամանքը արժանացել է բազում քննադատությունների: Խոսքը, իհարկե, մարմնավոր սիրո պատկերների առկայության մասին է: Գեղեցկության բարձրագույն արտահայտությունը, ըստ հեթանոսականների, մարմնական ու հոգեկան ուժերի ամենաբարձր ծաղկմանն հասած անհատն էր: Սակայն «Սիրո գրքի» այս տեսակ քերթվածները առաջին

հերթին աշխարհի և մարդու, կյանքի և գեղեցկության վերաբերյալ առ նոր հայացքների արտահայտությունն էին: Սևակը գերադասում է հետևել բնության անկեղծ և անմիջական ձայնին.

Բազուկներդ կգալարվին, կդառնան,

Տենչին կբակը նայվածքդ կթովե,

Որովէտես քու մութ հոգիդ գինով է,

Միբախտավոր գիշերներուն պես գարնան...

Բազուկներդ կգալարվին, կդառնան:

Ժամն է, աղվճ՝ ր, երանության ժամն է սա.

Շըրթներուս վրա դիր շրթունքնե՛րդ բոցե,

Մոռցի՛ր կյանքը, աղվոր աչքերդ ալ գոցե...

Ի՞նչ, կ'արտասվե՞ս, ու հուզումեղ կողոպտե՞ս.

Ժամն է, աղվճ՝ ր, երանության ժամն է սա...

Սևակի սիրո բանաստեղծությունները ընթերցելիս սկսում ես խորհել բանաստեղծի հետ: Այս գիծը բնութագրական է Սևակի ամենակատարյալ գործերից մեկի՝ «Ինչու՞» բանաստեղծության համար: Առաջին հերթին բանաստեղծությունը կարեկցանք սիրո համար անպատրաստ «փոքրիկ աղջկան» ուղղված, ում սերը անկարող է դիմանալ սիրո փոթորկումներին: Մյուս կողմից բանաստեղծության մեջ շատ խորը արտահայտված է զգացմունքի և անհատի փոխհարաբերությունը, դեպի գեղեցիկը և կատարյալը ձգտելու բնության կանչի՞ն հետևողական լինելը և դրա պատճառով հաճախ կործանմանն եզրին կանգնելը.

Ինչո՞ւ, ինչո՞ւ գիս սիրեցիր,

Փոքրի՛կ աղջիկ, քեզի մե՛ղք էր.

Փոքրիկ ծոցիդ թիթե՛ռ պետք էր,

Դուն ծե՛ր արծիվ մը բանտեցիր...

Սևակի այս բանաստեղծությունում ծնունդ է առնում բնության մեծագույն և հավիտենական գաղտնիքներից մեկը: Ինչու՞ են մարդիկ հաճախ իրենց համար բախտի ուղեկից ընտրում « ծեղր արծվին» և դիմագրավելով բազում փորձությունների միևնույն չեն նրկնչում: Թերևս մարդկային մտածողության

ամենից հակասական կողմերից է՝ առ՝ հասնել հաջողության, անկախ նրանից, թե
ինչքան դժվար է դրան հասնելու հետապարհը.

Կապույտ աչվիդ նրբ որ բացիր,
Կապո՛ւյտ աղջիկ՝ պլպուլն երգ է՛ր.
Քե՛զ ալ սիրո մրմունջ պետք էր,
Դուն գուժեան մռո՛նչս ընտրեցիր...

Ես կ'երթամ մի՛ շտ, անծայրածի՛ր
Դամբաններ են ոտքիս հետքե՛ր.
Քեզ սիրո մեղմ սյո՛ւք մը պետք էր,
Դուն փոթորկի՛ն կուրծքդ բացիր...

Կ'այրի՛ն աչերըդ սևածիր,
Պիտի մեռնի՛ս, այդպես մ'երգեր.
Քեզի փոքրիկ սեր մը պետք էր,
Դուն Սեր-Աստվածը սիրեցիր...

Հարկ է նշել, որ բանաստեղծությունը ամբողջությամբ բխում է Սևակի
կենսափիլիսոփայությունից և բանաստեղծը ուզում է մարդուն տեսնել անչափ
երջանիկ:

Այսպիսով՝ ամփոփելով խոսքս նշեմ, որ սիրո թեման հավերժական է և այս
զգացմունքի մասին գրվել են և դեռ ջատ կգրվեն բանաստեղծություններ և ոչ միայն,
սակայն Ռուբեն Սևակը իր զգացական աշխարհով միշտ էլ կառանձնանա և կունենա
իր տեղը հայ գրականության երկնափամարտ: